

NAMA :

TINGKATAN:

MODUL PENINGKATAN PRESTASI MURID TINGKATAN 5**TAHUN 2023****BAHASA MELAYU**

KERTAS 1

DUA JAM

JANGAN BUKA MODUL INI SEHINGGA DIBERITAHU

ARAHAN

1. Modul ini mengandungi **dua** bahagian. **Bahagian A** dan **Bahagian B**.
2. Jawapan hendaklah ditulis di dalam buku jawapan yang disediakan.
3. Jawapan boleh ditulis dalam tulisan Rumi atau Jawi.
4. **Buku jawapan** hendaklah diserahkan kepada pengawas peperiksaan pada akhir peperiksaan.

Untuk Kegunaan Pemeriksa			
Bahagian	Soalan	Markah Penuh	Markah Diperoleh
A	1	30	
B	1	70	
	2		
	3		
	4		
JUMLAH		100	

Modul ini mengandungi 4 halaman bercetak

Bahagian A

[30 markah]

Soalan ini mesti dijawab.

Petikan dan grafik di bawah menunjukkan maklumat berkaitan dengan bangunan bersejarah.

Berdasarkan maklumat tersebut, huraikan pendapat anda tentang pemeliharaan bangunan bersejarah di Malaysia.

Panjangnya huraian anda hendaklah antara 150 hingga 200 patah perkataan.

Usaha memelihara bangunan bersejarah negara seperti Bangunan Sultan Abdul Samad di Kuala Lumpur dan Kota A'Famosa di Melaka perlu diteruskan. Tindakan ini akan dapat memastikan generasi muda sentiasa menghargai sejarah. Bangunan-bangunan ini telah menjadi bukti bahawa peristiwa sejarah perlu dikenang.

Sumber: www.mstar.com.my



Tarikan pelancong



Semangat patriotik

Bahagian B

[70 markah]

Bahagian ini mengandungi empat soalan. Jawab satu soalan.

Tulis sebuah karangan yang panjangnya antara 350 hingga 500 patah perkataan.

1.

Kuih tradisional seperti lepat pisang, kuih bakul dan muruku menjadi satu keunikan dan identiti kaum yang terdapat di Malaysia. Namun begitu, hidangan istimewa ini semakin dilupakan oleh generasi kini. Tidak menepati selera, tiada pendedahan awal dan sikap lebih mengagungkan makanan luar negara dianggap penyumbang ke arah situasi ini. Kita perlu mencontohi rakyat negara Jepun yang berbangga menyajikan makanan warisan mereka biarpun telah menjadi negara maju.

Sumber: *Dewan Budaya*, Bil 5/2021

Berdasarkan petikan di atas, terdapat beberapa faktor yang telah menyebabkan kuih tradisional di Malaysia kurang mendapat sambutan daripada generasi kini.

Bincangkan faktor-faktor tersebut.

2.

Sektor pertanian telah menyumbang kepada asas pembentukan ekonomi Malaysia dalam era selepas kemerdekaan. Namun begitu, sektor pertanian kian terpinggir dalam kepesatan pembangunan dan kemajuan negara walaupun peranannya masih sangat relevan. Golongan muda pula lebih selesa menganggur berbanding dengan menceburi bidang pertanian.

Sumber: animhosnan.blogspot.com

Huraikan peranan pelbagai pihak untuk menjadikan bidang tersebut diminati oleh golongan muda.

3.

Dalam meniti era globalisasi ini, amalan membaca dalam kalangan generasi muda semakin pudar. Terdapat kajian yang menyatakan bahawa purata pembacaan buku oleh generasi muda hanya tiga jam seminggu. Cabaran utama yang dihadapi oleh mereka untuk membudayakan amalan membaca ialah pengaruh persekitaran, permainan dalam talian dan kurang galakan daripada ibu bapa.

Sumber: utusan.com.my/nasional/2021

Berdasarkan petikan di atas, terdapat beberapa cabaran untuk membudayakan amalan membaca dalam kalangan generasi muda.

Bincangkan.

4.

Penduduk di dunia berkongsi alam sekitar yang sama. Alam sekitar merupakan segala benda hidup dan bukan hidup yang wujud secara semula jadi di permukaan bumi atau sebahagian daripadanya. Alam sekitar juga boleh disebut sebagai flora dan fauna yang banyak memberikan kebaikan kepada kita. Namun begitu, alam sekitar kini semakin diancam kemusnahan akibat kerakusan manusia. Oleh itu, semua negara di dunia perlu berganding bahu untuk menangani isu ini.

Sumber: E-majalah Pembangunan Alam Sekitar, 2021

Anda akan menyertai pertandingan syarahan sempena Hari Alam Sekitar Sedunia. Tajuk syarahan anda ialah 'Alam Sekitar Tanggungjawab Negara-negara di Dunia.'

Sediakan teks syarahan anda selengkapnya.

TAMAT